

vnd sonder jm sind alle Ding todt / wie wir alle
 tage / vnd fürnemlich im Winter sehen : Ses
 het / wie das Feuer zum erstenden Luft er
 kläret / vnd ihme eine Klarheit / der seinigen
 gleich / machet / dann es erleuchtet ihn von aller
 Finsternuß / vnd macht offenbar / was in der
 Finsternuß verborgen war / vnd reiniget ihne
 von aller vaporischer Feuchtigheit / vnd allem
 irdischem Rauch : Es reiniget ihne auch den
 Luft von aller Grobheit / vnd macht ihne alle
 solida durchdringend. In summa, das Feuer
 macht ihm den Luft in allem gleich / also
 daß kein vnterscheidt zwischen inen beyden ist /
 wie wir an vnserm gemeinen Feuer sehen /
 welches / wann es mit Torff / oder Holz vnters
 halten wirdt / ziehet es vnd zeucht an sich mit
 grossen Gewalt den Luft / welchen es reiniget /
 clarificirt / vnd ihm gleich macht / Ja es ist so
 geneigt den Luft zu clarificiren / daß / wann es
 verhindert wirdt / vnd solches nicht lenger thun
 mag / vnd der Luft von ihm abgekehrt (das ist /
 wann das Feuer beschlossen wird) verschwind
 es / vnd fährt / daher es gekommen / welches
 würdig ist zu mercken : Dann erstlich lehret es
 vns / wie daß Gottes Geschöpf ires Beruffs
 warnemmen / vnd arbeiten so lang sie mate
 riam finden / vnd je mehr sie finden / je besser
 clarificiren sie / so sie nicht verhindert werden.

B

Auff